

С а н э к л ц

Прютненск района Нөгдгч Үлдчнэ партийн багд партийн сургъуль эн джил урдаснь сән белдвр теткгддж эклв. Цуг коммунистрин политическ медрлинъ болн сургъулин кемджәгъинъ хәләдж, теднә дуринъ сурдж йилгъснә хөт бийднъ, коммунистнр нургълдж КПСС-н туудж дасх болцхав.

Партийн туудж даслгъиг кружок бүрдәгъяд кесн чик болх болв, ягъад гихлә коммунистрин дамшлтнъ тату болад эврән бийснь дегтр умшдж дасхд күнд болв. Тегәд партийн туудж даслгъна кружок гарв. Пропатандист

болдж сургъулин багш, сән медрлтә болн дамшлтта үр Г. А. Манджиков батлгдв.

Кружокд бичгдсн улс нургълдж урднъ читн партин туудж дасдж йовсн, тегәд КПСС-н тууджин шин дегтриг IV бөлгәс эклдж дасхмн гидж тедн шиидв. Кружок кәдлмшән октябрин нег шинд эклв. Кружковцир цугтан тартан шин дегтрмүдтә IV бөлгәр хойр занять болчкв.

Кружковцир ухан-седклән тәвдж партин баатр туудж даслгъиг шунмгъагъар кедж йовхинъ болсн хойр

заняты үзүлв. Тедн цугтан тертән дегтриг сәәнәр умшад, конспект бичдж авад, белн ирцхәдж күүндврт орлццхав.

Эн партийн багин зәрм коммунистнр, бас тер мет комсомольцир, интеллигенц, теднә тоод үүрмүд М. Догуджиев, М. Головина, Е. Будулина, К. Улюмджинова (сургъулин батшнр), А. Дорджиева, З. Микишева нань чигн, марксизм-ленинизмн ном бийснь дасджана.

М. МОЛОЗАЕВ.
Кружонин сонъсач.